

981924924

J LÅSTAD TRANSPORT

Mobilnummer

918 06 936

E-postadresse

Jalastad@gmail.com

Kontonummer **** * 30426

Vedtaksdato

27.09.2023

Vedtaket er gjort av

Alver kommune

Søknadsdato

27.02.2023

Vår referanse

2023/16545, Agros 223446

Vedtak om tilskot til spesielle miljøtiltak i jordbruket – Restaurere gardflor GBNR 113/2

Samandrag: Alver kommune har vedtatt å innvilge opptil 60 000 kroner i tilskot til J LÅSTAD TRANSPORT til Restaurere gardflor GBNR 113/2. Frist for å gjennomføre tiltaket og rapportere er 28.09.2026.

Alver kommune viser til søknad av 27.02.2023.

Bakgrunn i saka

J LÅSTAD TRANSPORT søkte om tilskot til spesielle miljøtiltak i jordbruket 27.02.2023. Du søker om totalt 60 000 kroner i tilskot for tiltak perioden 15.05.2023-01.08.2025. Totalt kostnadsoverslag for tiltaket har du utrekna til 120 000 kroner.

Søkjær ønskjar å restaurere ein gardflor som er i dårleg forfatning. Han vil fjerne mur som har rast ned og tørrmure den opp igjen. To sider av bygget er i god stand. Når muren er på plass vil søkjær bygge nytt tak. Det gamle taket blåste av i ein storm tidlig på 90 tallet. Gardfloren står på grensa mellom innmark og utmark, dvs. det er god høve for at gardfloren kan tas i bruk att som le for dyra, slik som søkjær ønskjar og treng.

Grunngjeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskriften) § 1.

Ein kan innvilge tilskot til føretak som oppfyller vilkåra i forskrift av 19. desember 2014 nr. 1817 om produksjonstilskot og avløysartilskot i jordbruket § 2 og § 3 eller § 4.

Tilskot kan også gis til eigar av landbrukseigedom dersom det går føre seg ein produksjon på landbrukseigedom som oppfyller vilkåra for tilskot etter forskrifta som nemnt over. Om du sjølv ikkje eig landbrukseigedom til taktet skal gjennomførast på, må det ligge føre løyve frå eigar til gjennomføring av prosjekt eller tiltak som nemnt i SMIL-forskrifta § 4 og § 5.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal også førast journal over korleis plantevernmiddel som blir brukte, med opplysningar som nemnt i SMIL-forskrifta § 3 tredje ledd.

Vurdering

Søknaden er vurdert etter prinsippa i naturmangfaldlova §§8-12, jf. §7. Landbruksavdelinga har gjennomgått artskart og naturbase, og etter ei samla vurdering komme fram til at det omsøkte tiltaket ikkje er i strid med prinsippa i §§8-12 i naturmangfaldlova.

Landbruksavdelinga meiner at tiltaket er i tråd med SMIL-ordninga sitt formål jf. Forskrift om spesielle miljøtiltak i jordbruket §1.

Gardflore er i dårleg forfatning. Berre to murar står att i god stand. Grunnen til at me vil støtta tiltaket og ikkje ser dette som ei gjenoppbygging (andre tilskotsordningar innan kultur), er at:

- **Gardflore vil på sikt ha den opphavlege funksjonen sin som le for dyr og den vil derfor vera viktig for drifta.**
- **Gardflore ligg der ho skal, på grense mellom innmark og utmark.**

Me ser positivt på at gardflore blir restaurerte og det er ønskjeleg at søkjaren søkjer råd frå kulturavdelinga til kommunen om dimensjonar og val av treslag til takkonstruksjonen. Det skal nemnast at me har sendt søknaden til høyring hos kulturavdelingen og at dei støttar tiltaket. Me set som vilkår at restaureringa skal gjerast i tråd med antikvariske prinsipp og at taket blir bygd om lag slik det var gjord tidlegare.

Alver kommune har vedtatt å løyve inntil kr 60 000 til restaurering av gardflor på GBNR 113/2 som vist i kart som ligg ved søknaden. Kommunen nyttar standard sats for restaurering av bygningar: inntil 50% av godkjent kostnadsoverslag. Søkjar har ikkje spesifisert i kostnadsoverslaget kor mange arbeidstimar restaureringa vil ta. Dette må spesifiserast når han skal rapportera.

Godkjent kostnadsoverslag:

Tiltak/aktivitet	Beløp (kr)
Restaurering mur	60 000
Restaurering tak	60 000
SUM Kostnadsoverslag	120 000
Tilskot SMIL (inntil 50% av kostnadsoverslaget)	60 000

Alver kommune har vedtatt å innvilge opptil 60 000 kroner i tilskot.

Vilkår for tilskotet

Frist for å gjennomføre tiltaket og rapportere er 28.09.2026. Dersom du ikkje overheld fristen, fell tilskotet vekk.

Innvilging av tilskot inneber ikkje at tiltaket er godkjent etter anna regelverk, som til dømes plan- og

bygningslova, kulturminnelova, naturmangfaldlova, vassressurslova eller forureiningsforskrifta. Du må sjølv skaffe deg slikt løyve dersom det trengs, og dette må du gjere før du går i gang med tiltaket du no har fått tilskot til.

- Restaureringa skal gjerast i tråd med antikvariske prinsipp.
- Taket skal byggjast om lag slik det var gjord tidlegare.
- Frist for gjennomføringa av tiltaka er sett til inntil tre år frå tildeling.
- Det kan søkjast om utsetjing av arbeidsfrist i inntil to år ut frå skriftleg grunngjeving, seinast ein månad før oppsett frist går ut.
- Løyvd tilskot kan trekkjast attende heilt eller delvis dersom det oppstår tilhøve som er i strid med føresetnadane for ordninga jf. § 10 i forskrifta om spesielle miljøtiltak i jordbruket.

Rapportering og utbetaling

Når tiltaket er gjennomført, må du sende inn dokumentasjon på at tiltaket er gjennomført etter dei vilkåra som er sett i dette brevet. Du skal rapportere om måloppnåing og bruken av tilskottet slik rapporteringsskjemaet angir.

Sluttrapport skal innehalda:

- Utfylt rapporteringsskjema for eingongstiltak/investeringstiltak, inkludert rekneskap. Rekneskapet bør settast opp slik at det kan samanliknast med kostnadsoverslaget i søknaden.
- Timeliste som dokumenterer eige arbeid.
- Bilag på innkjøpt materiell.
- Foto av utført tiltak.

Alver kommune betaler ut det innvilga tilskotet etter at du skriftleg har bede om det, og når vi har godkjent rapport og sluttrekneskapen for prosjektet eller tiltaket. Du kan be om utbetaling digitalt via Altinn.

For eitt-årige eller mindre prosjekt skal utbetalinga som hovudregel skje etter at prosjektet er avslutta. For fleirårige tilskot kan det vere aktuelt å betale ut delar undervegs i prosjektperioden. Delar av tilskotet kan utbetalast etter kvart som du godtgjer framdrift i gjennomføring av tiltaket og vi har godkjend rapporteringa. Minst 25 prosent av tilskotet blir halde attende til tiltaket er fullført og sluttrapporteringa er godkjend.

Landbruksdirektoratet sitt rapporteringsskjema for eingongstiltak/investeringstiltak skal fyllast ut og leggjast ved når du ber om del- og sluttutbetaling. [Bruk denne malen](#)

Godkjent kostnadsoverslag for tiltaket er 120 000 kroner. Dersom kostnader for å utføre tiltaket er lågare enn godkjent kostnadsoverslag kan tilskotssummen bli justert ned.

Kontroll

Kommunen, statsforvaltaren og Landbruksdirektoratet kan gjere kontroll etter SMIL-forskrifta § 9.

Omgjering, tilbakebetaling og motrekning

Vedtaket om innvilga tilskot kan bli gjort om og utbetalt tilskot kan bli kravd betalt tilbake etter SMIL-forskrifta § 10 dersom det blir avdekka tilhøve som er i strid med det som er føresett ved innvilging av tilskotet.

Klagerett

Du kan klage på dette vedtaket til Statsforvalteren i Vestland. Send klaga til Alver kommune. Vi vil sende saka vidare til Statsforvalteren i Vestland dersom vi ikkje gjer om vedtaket. Klagefristen er tre veker etter at du har motteke dette brevet, jf. forvaltingslova § 29. Du kan òg be om å få sjå dokumenta i saka, jf. forvaltingslova § 18 og § 19.

Meir informasjon

På [nettsidene til Landbruksdirektoratet](#) kan du finne meir informasjon om spesielle miljøtiltak i jordbruket.

Med helsing
Alver kommune

Saksbehandla av: Victoria Grape

Godkjend av: Laila Bjørge